

## TIRE GBIKII TE PĀLU U TIMŌTE KUA

Timote u Yesu naane dokewa win aluwaasirun di, sanam me Pālu u da Lisitiō nān gbiikuru. Win daaru yiruse sōra u Timote gōsa u ka nūn yōsiri bu Labaari gea kparam da, Gərobun Kookoosu wiru 16:1-3. Timōten tundo u sāawa Gereki, ma win mero u sāa Yuu wi u Gusunōn bēere yē too, wiru 1:1-5. Pālu u tire te yoruawa win tākəru sō. U Timote sōwa u nēe u de u n tāsā win naane dokebu sō, kpa u Yesun Labaari gean taa geebu ko, kpa win sanu sanusu su n dēere Yesugibun suunu sō, wiru 3:15. U maa nūn ka swaa sōsi ye ya weene Yesun yigbe kparobu ka Gusunōn sōm kowobu kpuro bu swīi. Meya u maa nūn sōmō nge me Yesugibu ba ko n wāsine. U maa nūn kirō mō u ka sōsi geenu sōsi ni nu dēere keu koosio weesugibun sō.

### *Tire ten kpunaa*

1. Təbiribu, wiru 1:1-2.
2. Sōsi te Pālu u Timote wē Yesun yigberu ka ten sōm kowobun sō, wiru 1:3n di sere wiru 3:16.
3. Sōsi te Pālu u Timote wē win sōmburu sō, wiru 4n di sere wiru 6.

### *Təbiribu*

<sup>1-2</sup> Timote, wune wi a kua nen bii yēn sō a Yesu naane doke, Gusunō Baaba ka Yesu Kirisi besen Yinni bu nun durom ka wənwəndu kua kpa bu nun alafia kē. Ne Pālu, Yesu Kirisin gəro nge me Gusunō besen Faaba kowo ka Yesu Kirisi wi u sāa besen yīyōbu, ba man yiire, na nun tire teni kuamme.

Sōsi weesugirun kirō

<sup>3</sup> Tē, na kī a sina Efesuō nge me na nun yiire sanam me na dāo Masedōni gia kpa a bu yinari be ba sōsi tukunu sōsimō. <sup>4</sup> A bu sōwō bu ku raa ben laakari doke gari yi tōmba seka sō, ka maa sikadoban yīsa sō. Yeya ya sikirinōsu seeyamō, ya ñ maa Gusunōn himba wuswaa daasiamō ye tōnu ra gie ka naane dokebu. <sup>5</sup> Adama na yiire bi mōwa n ka bēen kīru seeya te ta wee saa gōru ge ga dēeren di ka laakari taare sarirugian di ka maa naane doke kpikibun di. <sup>6</sup> Wee, gaba gera saa gari yin min di ma ba kōra sikirinō kamgisu sō. <sup>7</sup> Ba kī ba n sāa Gusunōn woodan keu sōsiobu, adama ba ñ ben tiin garin tubusianu yē baa yi ba gerumō ka naane baka.

<sup>8</sup> Ka me, sa yē ma wooda ya wā tōnu ù n ye dendimō nge me n weene. <sup>9</sup> Kpa u n yē ma ba ñ wooda kue gemgibun sō. Ba ye kuawa wooda sarobu ka mem nō sarirugibun sō, ka be ba ñ Gusunōn bēere yē, ka durumgibu, ka maa tōn be ba ñ Gusunō ka gāa dēeranun bēere yē, ka sere be ba ben tundobu ñ kun me ben merobu goomō, ka maa tōn gowobu gabu, <sup>10</sup> ka maa sakara kowobu, ka tōn durō be ba kōo mennamō ben tii tiine, ka be ba tōmbu gbēnimō ba dōramō, ka weesugibu, ka be ba weesu sō bōrumōn sō, baayere kpuro gesi ye ya kun sāa sōsi geeru. <sup>11</sup> Sōsi te, ta wāawa Labaari gea ye ba man nōma beria sō. Gusunōwa ya ka yā. Wiya u yiiko mō, u maa sāa domarun nuuru.

### Siarabu

#### *Gusunōn wōnwōndun sō*

<sup>12</sup> Na Yesu Kiriisi besen Yinni siara wi u man dam kā n ka nen sōmburu ko. Na saabu kua yēn sō u man garisi naanēgii ma u man gōsa win sōmburu sō, <sup>13</sup> baa me na ra raa nūn gari kam gerusi ma na nūn nōni sōwōwa ma nen mōru ku ra n toma. Ka me, u man wōnwōndu kua yēn sō na ñ yē ye na mō, domi na ñ daa naane doke. <sup>14</sup> Ma besen

Yinnin durom mu banda ne sɔɔ. U man naane dokebu ka kīru wē. <sup>15</sup> Gari naanegii yi yi weene i noma gāri i mwa mam mam yiya, Yesu Kirisi u na handunia sɔɔ u ka durumgibu faaba ko bè sɔɔ na sāa ben kpoko. <sup>16</sup> Adama yenin sōna Gusunɔ u man wɔnwɔndu kua, kpa Yesu Kirisi u ka kpī u win suuru nɔru sarirugia sɔɔsi ne sɔɔ ne wi na sāa kpoko, kpa na n ka sāa yīreru ben sɔ be ba koo nūn naane doke bu ka wāaru te ta ku ra kpe wa. <sup>17</sup> Tē, Gusunɔ turo wi, sina boko wi u ko n wāa ka baadommaɔ, wi u kun gbimɔ, wi ba n ka nani waare, wigia beere ka yiiko sere ka baadommaɔ. Ami.

<sup>18</sup> Timote nen bii, na nun yiire bini mɔ nge me Gusunɔn sɔmɔbu ba raa gerua wunen sɔ. A de sɔmɔ ben gari yi, yi n sāa wunen tabu yānu kpa a ka taa geebu ko <sup>19</sup> a n naane doke kpa wunen gōru ga kun nun taare wēmɔ. Adama sibu gabu ba n gōru gen bweseru swaa sue, ma ba ben naane dokebu kam koosia nge goo nimkuu ge ga nim diira. <sup>20</sup> Tɔn be sɔɔra Himene ka Alesandu ba wāa be na Setam nomu sɔndia bu ka gia ma n n weene bu Gusunɔ gari kam gerusi.

## 2

### Kanarun gari

<sup>1</sup> Yen sōna na be kanamɔ gbiikaa, i n kanaru mɔ tɔmbu kpuron sɔ i n bikiamɔ ka tii kawabu, kpa i n da maa Gusunɔ siare. <sup>2</sup> Nge meya i maa kanaru koowo tem yērobun sɔ ka sere be ba wāa aye damginu sɔ kpuro, kpa su wa su besen handunian wāaru di ka bari yendu ka alafia, sa n Gusunɔ beere wēmɔ kpa sa n daa gea mɔ. <sup>3</sup> Kana ten bwesera ta wā ta ra maa Gusunɔ besen Faaba kowo wēre <sup>4</sup> wi u kī tɔmbu kpuro bu faaba wa, kpa bu wa bu gem tubu. <sup>5</sup> Domi Gusunɔ turowa wāa, sannɔ yakianɔ turowa maa wāa bese ka Gusunɔn baa sɔɔ, wiya Yesu Kirisi wi u kua tɔnu, <sup>6</sup> ma u tii wē u kua baawuren

abɔru. Seeda yera ya sɔ̄sira sanam me yen saa ya tura. <sup>7</sup>Yenin sɔ̄na ba man gɔsa waasu kowo ka gɔro, kpa n ka tɔn tukobu naane dokebu ka gem keu sɔ̄si. Geema na gerumɔ na n̄ weesu mɔ.

<sup>8</sup>Yen sɔ̄na na kī baama mi ba kanaru mɔ tɔn durɔbu bu tu ko ba n nɔma ye ya dɛere sue wɔllɔ n kun ka mɔru n kun ka sikirinɔ.

<sup>9</sup>Mɛya maa na kī tɔn kurɔbu bu tii sɔme saka sɔɔ ka girima kpa ben buraru ta kun s̄a tara gidigia n̄ kun me wura n̄ kun me goonu, bu ku maa ȳa gɔbi bɛkɛginu doke.

<sup>10</sup>Adama ben bura ȳanu nu n s̄a kookoo burasu nge me n weene kurɔ be ba tii garisi Gusunɔ s̄aɔbu bu ko. <sup>11</sup>A de tɔn kurɔ u gia laakari sɔɔ ka wii kp̄ibu mam mam.

<sup>12</sup>Na n̄ wure tɔn kurɔ u keu sɔ̄si, n̄ kun me u n s̄a tɔn durɔn wirugii adama u n da n maari. <sup>13</sup>Domi Adamuwa Gusunɔ u gb̄ia u taka kua, yen biru Efa. <sup>14</sup>Mɛya n n̄ mɔ Adamu Setam u nɔni wɔkua, win kurɔwa, u nɔni wɔkua ma u wooda sara. <sup>15</sup>Adama tɔn kurɔ u koo faaba wa ù n bibu marumɔ ù n gesi w̄a naane dokebu ka kīru ka w̄a dɛeraru sɔɔ ka tii ȳeru sannu.

### 3

#### *Yesun yigbe* kparobu

<sup>1</sup>Gari naanegii wee. Goo ù n kī u n s̄a Yesun yigbe kparo, sɔm geera u kī. <sup>2</sup>N weenɛwa ȳero u n s̄a taare sarirugii kpa u n kurɔ turo dege dege mɔ, yen biru u n maa s̄a gayagii kpa u n tii ȳe u kun s̄a tɔn bereteke, adama u n s̄a sɔbun yaare kowo ka maa wi u koo keu sɔ̄sibu kp̄i. <sup>3</sup>Kpa u kun s̄a tam nɔro n̄ kun me sannɔ kīro adama u n s̄a suurugii wi u alafia kī, kpa u kun s̄a gobin kīro.

<sup>4</sup>Kpa u n s̄a wi u win yenu nɔma sikerene mam mam, kpa u win bibu mem nɔɔbu ka tɔnun bɛere w̄ɛbu kpuro sɔ̄si.

<sup>5</sup>Domi tɔnu ù kun ȳe me u koo ko u ka win tiin yenu nɔma sikerena, amɔna ȳero wi, u koo ka kp̄i u Gusunɔn yigberu

nene. <sup>6</sup> N ñ maa weene yēro u n sã naane dokeo kpao, ye n koo de u n tii gãamə kpa u taare wa nge me Setam u wa. <sup>7</sup> Yen biru n weene be ba ñ naane doke ba n yēro win seeda gea dimə, kpa bu ku nùn gem, kpa u ku raa maa Setam yina wəri.

*Yesun yigbe sɔm kowobu*

<sup>8</sup> Meya maa n ñ weene Yesun yigbe sɔm kowobu ba n sã be ba ñ bæere mə nge nɔsu yirugibu ñ kun me tam yobu ñ kun me be ba ka bwisi kankam gobi kasu, <sup>9</sup> adama ba n naane dokebun gem me mu tera neni ka gōru dɛero. <sup>10</sup> N weene bu maa gina ben laakari mɛeri. Bã n wa ba ñ taare gaa mə kpa bu sere ben sɔmburu wəri. <sup>11</sup> Nge meya n maa weene kurɔbun tii ba n sã be ba koo bæere wɛ, kpa ba kun sã tɔn wĩɔbu ma n kun mə gayagibu be ba naane mə kpuro sɔɔ. <sup>12</sup> Kurɔ tia tiawa yigbe sɔm kowobu ba ko n mə, kpa ba n sã be ba ben bibu ka ben tiin yenusu nɔma sikerene mam mam. <sup>13</sup> Sɔm kowo be ba ben sɔmburu mɔ ka nuku tia ba koo ten baruka di ben wāaru sɔɔ, kpa ba n toro sindu mə ben naane dokebu sɔɔ bi Yesu Kirisi sun wɛɛmɔ.

*Asiri baka*

<sup>14</sup> Na yĩiyɔ n na n nun wa, adama na nun tire teni yoruammewa, <sup>15</sup> baa nà n tɛemɔ, amen biru a n ka yɛ nge me n weene a n tii kpare Gusunɔn tɔmbun suunu sɔɔ be ba sã Gusunɔ Yinni wason yigberu. Yigbe tera ta sã gem gbera ka men maro. <sup>16</sup> Ka gem, goo sari wi u koo kpĩ u besen sãarun asiri yen kpãaru siki. Gusunɔ u sɔɔsira tɔnun wasi sɔɔ. Hunde Dɛero nùn gem wɛ. Wɔllun gɔradoba ba maa nùn wa. Ba win gari bweseru baatere waasu kua. Ma ba yi naane doke handunia sɔɔ. Ma ba kɔm nùn sua wɔllɔ u wura win yiiko sɔɔ.

## 4

*Keu koosio weesugibu*

<sup>1</sup> Adama Gusunon Hunde gerumə kpasasa ma sanam gam sisi mɛ sɔɔ gaba koo naane dokebu swaa deri bu hunde koni weesugibu mem nɔɔwa, kpa bu maa werekunun sɔɔsiru swii. <sup>2</sup> Sɔɔsi te, ta weewa saa wee kowobun min di be ba tii mɛera gabu. Ton ben gɔru ga gu nge ge ba sii sunsu mani. <sup>3</sup> Ton ben bwesera ba gerumə ma n n̄ wã tambu bu suana, yen biru n n̄ maa weene bu dñanu kpuro di. Adama Gusunə u ye kpuro taka kuawa naane dokeobu be ba gem gia bu ka di ka siarabu sannu. <sup>4</sup> Domi gāanu baanire ni Gusunə u taka kua gāa geena, gāanu sari ni sɔɔ, ni ba koo kɔ, adama bu gesi ni kpuro mɔ ka siarabu. <sup>5</sup> Domi Gusunon gari ka kanara ni kpuro dɛerasiamə.

*Yesu Kirisin sɔm kowo geo*

<sup>6</sup> Wee, à n naane dokeobu bwisi yini kɛmɔ kaa n sãawa Yesu Kirisin sɔm kowo geo, kaa n maa wunen tiin hunde diisiamə ka naane dokebu ka sɔɔsi geerun gari yi a swii. <sup>7</sup> Adama a wiira gari yinɔ yi tamba seka kpa a n wunen hunde dendimə Gusunon beere wɛɛbu sɔɔ. <sup>8</sup> Geema, wasin dendibu arufaani gaa mɔ, adama Gusunon beere wɛɛbu bu arufaani kpuro mɔ yèn sɔ bu gisən wāaru ka maa siagirun nɔɔ mwɛeru mɔ. <sup>9</sup> Gari naanegiiya mi. N wã bu yi nɔma gāri mam mam bu mwa. <sup>10</sup> Yen sōna sa sunamə sa sɔmburu mɔ, domi sa besen yiyɔbu doke Gusunə Yinni waso sɔɔ wi u sãa tambu kpuron Faaba kowo, su mam nɛere be ba naane doke.

<sup>11</sup> A n bu sɔɔsi te yiiremɔ kpa a n bu tu sɔɔsimɔ. <sup>12</sup> A ku de ba n wunen aluwaasiru gema, adama a de a n naane dokeobu kom gen sɔɔsimɔ wunen gari gerubu sɔɔ, ka wunen wārun kookoosu sɔɔ, ka wunen kīru sɔɔ, kpa a n naane mɔ ka maa gɔru kpiku. <sup>13</sup> Sere n ka tunuma, a n

tambu Gusunən gari gariamme kpa a n bu dam kēmō kpa a n bu keu sōsimō. <sup>14</sup> A ku hunden kēru atafiiru ko te ta wāa wune sō, te ba nun nōmu beria Gusunən sōmōbun gari sō sanam me yigbe guro guroba nun nōma sōndi wirō. <sup>15</sup> A gari yini nōni dokeo, a maa yi tii wēeyō mam mam, kpa tambu kpuro bu wunen wuswaa daabu wa. <sup>16</sup> A n tii se, a maa wunen sōsiru laakari dokeo kpa a n temane gāa nini sō. Domi à n mō me, kaa tii faaba ko ka maa be ba nun swaa daki.

## 5

*Dobonia* naane dokeobun sō

<sup>1</sup> A ku durō bukuro gerusi ka dam, adama a temano a nùn dam kē nge wunen tiin tundo. Meya maa aluwaasiban tii, a bu koowo nge wunen maabu ka wōnōbu. <sup>2</sup> Ñ n maa kurō tōkōnun na, a nin baawure koowo nge wunen tiin mero, a maa kurō mōro kpemminu ko nge wunen sesubu daa dēera sō.

<sup>3</sup> A gōminibu beere wēeyō be ba sāa gōminibu ka gem. <sup>4</sup> Adama gōmini goo ù n bibu mō ñ kun me nikurōminu, n weene bu gbi bu gia bu gea ko ben tii tiin mero bisibu sō kpa bu wa bu ben mōwōbu gea dibu kōsia, domi yeni ya wā Gusunən mi. <sup>5</sup> Kurō wi u sāa gōmini ka gem wiya wi u ñ goo mō wi u koo nùn nōri. Win yīiyōbu wāawa Gusunō sō kpa u n kanaru mō u n win somiru bikiamō bururu ka yoka. <sup>6</sup> Adama gōmini wi u win wāarun yēeritia tōna kasu u kua gōri kō baa me u wasi. <sup>7</sup> A n bu gāa ni kpuro sōmō kpa goo u ku raa ka bu taare wē. <sup>8</sup> Wi u kun win dusibu nōri n ku mam ko win yenugibu, wiya u naane dokebu yina, ma u naane doke sarirugii dukuram kera.

<sup>9</sup> A ku gōmini goo sosi gōminibun wuuru sō ma n kun mō yēro u wōō wata mō, kpa u n sāa wi u ka durō turo yōra, <sup>10</sup> ma ba win sōm geerun seeda dimō. U n sāa kurō wi u bibu nenum yē, kpa u n daa sāa sōbun yaare kowo ka

maa wi u naane dokeobu nɔ̄rɩre ka tii kawabu, kpa u n daa wahalagibu somire, kpa u n s̄aa wi u ra n s̄om geenu baanire m̄ò ka k̄iru.

<sup>11</sup> Adama a ku ḡomini kp̄emminu sosi ḡominibun wuuru s̄o, domi sanam m̄e ben k̄ira koo bu b̄oria bu ka Kirisi atafiiru ko, ba koo k̄ia bu dur̄obu sua <sup>12</sup> kpa bu ben tii taare w̄e ȳen s̄o ba ben n̄o mw̄e ḡbiikuru kua kam. <sup>13</sup> Ȳen s̄o ba ñ garu m̄ò ba koo se ba n ȳenusu duurim̄o. N ñ mam ye t̄ona, adama ba ko n da t̄ambu w̄i kpa bu gari w̄obia w̄ori kpa ba n gari swinim̄o. <sup>14</sup> Yenin s̄ona na k̄i ḡomini kp̄emminu nu dur̄obu sua kpa bu bibu ma, kpa bu ben ȳenu n̄oni doke kpa bu ku raa bes̄en yiber̄eba ayeru deria bu ka bes̄en k̄sa gere. <sup>15</sup> Domi ḡomini ben gaba gera k̄o ba Setam sw̄i. <sup>16</sup> Adama naane dokeo goo ù n ḡominibu m̄o win dusibu s̄o, a de u bu somi. A ku de u Yesun yigberu s̄omu ni s̄obi kpa tu ka kp̄i tu ḡomini be ba kun goo m̄o somi.

<sup>17</sup> Yen biru yigberun guro guro be ba hania m̄ò ben s̄omburu s̄o, n weene bu b̄ere bakan arufani di, n ku mam ko be ba ra sun̄e gem gem waasu ka keu s̄os̄ibu s̄o. <sup>18</sup> Domi Gusun̄on gari yi gerum̄o yi n̄e, “I ku b̄en naa kin̄enu n̄o b̄oke saa ye nu s̄omburu m̄ò d̄ianu s̄o.” Yi maa gerum̄o, “N weene s̄om kowo u win k̄s̄iaru wa.” <sup>19</sup> B̄a n ka nun yigbe guro guro goon taare naawa, a ku gari yi wura ma n kun m̄o t̄onu yiru ñ kun m̄e ita ba yen seeda di. <sup>20</sup> A be ba tora gerusio yigberugibu kpuron n̄oni biru kpa be ba tie bu b̄erum duura.

<sup>21</sup> Na wure na nun s̄om̄o Gusun̄o ka Yesu Kirisi ka win gorado be u ḡosan wuswaa, a s̄osi nini mem̄ n̄o w̄o n kun ka goon n̄onu nasiaru. A ku maa ḡaanu ko kpaasirun k̄irun s̄o. <sup>22</sup> A ku maa senda a ka goo n̄oma s̄andi. M̄eya, a ku maa de a n b̄onu m̄o gabun toranu s̄o. A tii n̄enūo d̄eeraru s̄o.



<sup>23</sup> Wee, a kun da maa nim tɔna nɔ, adama a n da tam nɔ fiiko wunen nukurun alafian sɔ yɛn sɔ a ra bare kiri kiri.

<sup>24</sup> Gabun toranu nu ra sɔsire batuma sɔ bu sere bu siri. Adama gabuginu ra sɔsirewa amen biru. <sup>25</sup> Nge meya maa sɔm geenun tii, nu ra sɔsire kpasasa. Baa ni nu kun tere sã sã nu n berurɔ ka baadomma.

## 6

<sup>1</sup> Be ba yoru dimɔ n weene bu ben tiin yinnibu beere wɛ gãanu kpuro sɔ, kpa goo u ku raa ka fɛɛ wa u Gusunɔn yĩsiru ka besen sɔsinu gari kam gerusi. <sup>2</sup> Yoo be ba maa yinni naane dokeobu mɔ, bu ku raa bu gem bu nɛɛ, ba sã dusinu Yinni sɔ. Adama bu de bu yinni be sã ka girima kpa bu ben sɔman arufaani di n kpã yɛn sɔ ba sã naane dokeobu ka maa kĩnasibu Yesu sɔ.

Sɔsi weesuginu

*ka* arumani gea

Yeya n weene a waasu ka keu ko. <sup>3</sup> Baawure wi u sɔsi tukuru garu sɔsimɔ ma u yina u besen Yinni Yesun Kirisin gari gemgii nɛɛ, ka maa sɔsi te ta Gusunɔn beere wɛɛbu sɔsimɔ, <sup>4</sup> yɛro u tii suewa, u n maa gãanu yɛ. Adama sikirinɔsu ka gari wɛerinun kĩa u barɔ. Min diya nisinu ka sannɔsu ka yaa kasikibu ka tɔn naane sarira wee. <sup>5</sup> Tɔn ben wira sĩara ba n maa gem yɛ ma ba sikirinamɔ nɔru sari. Ba tamaa ma Gusunɔn sãaru ta koo bu ko arumanigibu.

<sup>6</sup> Geema, Gusunɔn sãaru ta sãawa arumani baka, ye tɔnu u mɔ yà n ka nùn nɛrena. <sup>7</sup> Domi sa n ka gãanu ganu nɛ handunia ye sɔ, meya sa n maa ka gãanu wiɔ. <sup>8</sup> N n men na, sà n dĩanu ka yãnu mɔ n ko n sun turia. <sup>9</sup> Adama be ba kĩ ba n sã arumanigibu, beya ba ra wɔri kɔkiribu sɔ, kpa wiirarun kĩru ka kĩ gɔburu tu bu yina mwa ba n ka dɔɔ kam kobu ka kpeerasiabu sɔ. <sup>10</sup> Domi gobin kĩa

sāawa kom kōsum kpuron nuu teeru. Sibū gaba tu naa gira sere ba naane dokebu gēerari ba tii kpēe nuku sankira dabīnu sō.

*Ye Pōlu u Timote yiire*

<sup>11</sup> Adama wunε Gusunōgii, a yeni kpuro duka suurio kpa a gem naa gira ka maa Gusunōn bēere wēebu ka naane dokebu ka kīru ka tēmanabu ka sere daa duudwia. <sup>12</sup> A naane dokebun taa geebu koowo kpa a wāaru te ta ku ra kpe are di. Domi wāa te sōra Gusunō nun soka, ten sōna a maa naane dokebun seeda gea di seedagii dabīnun nōni biru. <sup>13</sup> Na nun yiiremō Gusunōn wuswaaō wi u ra yabu kpuro wāaru wē, ka maa Yesu Kirsin wuswaaō wi u seeda gea di Pōnsu Pilatin wuswaaō, <sup>14</sup> a wooda ye nenuō kpa a n wāa dēeraru ka taare sarīru sō sere tōō te besen Yinni Yesu Kirisi u koo kurama. <sup>15</sup> Gusunō, wi u koo de tōō te, tu sōōsira ten saa sō, wi turo dege degewa sāa domarugii ka yiikogii ka sina boko ka yinnibun Yinni. <sup>16</sup> Wi turowa sāa wi u kun gbimō. U wāa yam bururam sō mε goo kun kpē u susi. Goo kun nūn waare, goo u nē kpē u mam nūn wa. Wigia bēere ka sinaru te ta ku ra kpe. Ami.

<sup>17</sup> A tem mēn arumanigibun laakari seeyo bu ku woo kana bu ku raa maa ben yīiyōbu yi dukia ye ya koo kpe sō. Adama bu bu yīiyō Gusunō sō wi u sun kpuro wēemō ka nuku tia besen nuku dobun sō. <sup>18</sup> A bu sōōwō bu gea ko bu ko arumanigibu sōm geenu sō, kpa ba n nuku tia mō ba n sōōru sāa bu ka ben mōru gabu bōnu ko. <sup>19</sup> Nge mēya ba koo tii arumani gea berua ye ya nē sankiramō sian sō. Sanam mēya ba koo kpī bu wāa geeu naamwε.

<sup>20</sup> Timote, a ye ba nun nōmu sōndia nenuō n wā. A desiro saa handunian gari kankamgiin di. A ku maa sikirina ka be ba tamaa ba yēru mō. <sup>21</sup> Ben yēe te, ta dera ben gaba kōōra naane dokebun swaan di.

Timote I 6:21

11

Timote I 6:21

Gusunon durom mu n ka bee wãa.

## Bibeli Gusunɔn Gari

The Holy Bible in the Baatonum language of Benin, also called the Bariba language

copyright © 2013 SIM

Language: Bariba (Baatonum)

Translation by: SIM International

### Bariba, Bibeli Gusunɔn Gari

This translation, published by the UEED/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-10

---

PDF generated using Haiola and XeLaTeX on 27 Sep 2019 from source files dated 26 Jun 2019

00601790-b883-5da1-83f2-d05a7fa289a8